

ԱՐՁԱՆԱԳՐՈՒԹՅՈՒՆ

ՀՀ Վայոց ձորի մարզի Վայք համայնք, Զառիթափ բնակավայր

13.05.2025թ.

ՀՀ Վայոց ձորի մարզի Վայք համայնքի Զառիթափ բնակավայրի վարչական շենքում 13.05.2025թ. ժամը 11:00-ին տեղի ունեցավ «Ջիէմէն Գոլդ Մայնինգ» ՍՊ ընկերության /այսուհետ՝ Ընկերություն/ կողմից նախաձեռնած հանրային լսում՝ հանքաքարի և/կամ հանքանյութի և/կամ խտանյութի վերամշակման /կորզման/ գործարան կառուցելու վերաբերյալ: Հանրային լսմանը մասնակցեցին՝

Վարող – ՀՀ Վայոց ձորի մարզի Վայք համայնքի ղեկավար Մխիթար Մաթևոսյանը,

Նախաձեռնող – «Ջիէմէն Գոլդ Մայնինգ» ՍՊԸ տնօրեն Կարո Միքայելյանը, ընկերության ներկայացուցիչներ Արամ Բաբիյանը և Հովհաննես Նիկողոսյանը:

Շահագրգիռ հանրություն – Զառիթափ բնակավայրի և Վայք համայնքի բնակիչներ, այլ անձինք:

Բացման խոսքով հանդես եկավ համայնքի ղեկավարը, ողջունեց մասնակիցներին և տեղեկացրեց, որ հանրային լսում է նախաձեռնված ընկերության կողմից, և առաջարկեց լսել ընկերության ներկայացուցիչին:

Խոսքով հանդես եկավ ընկերության տնօրեն Կարո Միքայելյանը, ով հայտնեց, որ ընկերությանն է պատկանում Սոֆի-բինա ոսկի-բազմամետաղային հանքավայրի ընդերքօգտագործման իրավունքը: Տեղեկացրեց, որ ընկերությունը ցանկանում է կառուցել հանքաքարի վերամշակման գործարան, որի արդյունքում ստեղծվելու է մոտ 250 աշխատատեղ: Նա հայտնեց, որ տվյալ աշխատատեղերի հիմնական մասը նախատեսվում է հատկացնել Զառիթափի բնակիչներին: Հայտնեց, որ իրականացնում են և պարբերաբար նախատեսում են իրականացնել սոցիալական ծրագրեր:

Բնակիչներից մեկը հարց ուղղեց ընկերության ներկայացուցիչին, – որտեղ է կառուցվելու գործարանը:

Ընկերության ներկայացուցիչը պատասխանեց, – գործարանը կառուցվելու է Զառիթափում: Զառիթափի վարչական ղեկավարին խնդրեց տեղը հստակ նկարագրել, քանի որ ինքը տեղանքին ավելի լավ է ծանոթ: Հայտնեց, որ գործարանի կառուցման տեղի ընտրությունը կատարվել է համայնքի հետ միասին: Համայնքի հետ միասին կառուցման համար ընտրվել է այն հատվածը, որը ամենաօպտիմալն է դրա համար՝ բնակավայրից հեռու, չօգտագործվող հատվածում:

Բնակիչներից մեկը հարց ուղղեց – ինչ գործարան է բացվելու,

Ընկերության ներկայացուցիչը պատասխանեց – ոսկու հանքաքարի վերամշակման գործարան, Այնուհետև նույն բնակիչը ուղղեց երկրորդ հարցը – ոսկու հանքը բացելուց բնակիչներից որևէ մեկը տեղյակ եղել է,

Ընկերության ներկայացուցիչը պատասխանեց – հանքավայրի թույլտվությունը առնվազն 2010 թվականից առկա է:

Բնակիչներից մեկը հարց ուղղեց ընկերության ներկայացուցիչին – ինչ տեխնոլոգիայով է աշխատելու գործարանը:

Ընկերության ներկայացուցիչը պատասխանեց – տեխնոլոգիան լինելու է ֆլոտացիա և ցիանացում,

Այնուհետև նույն բնակիչը անհանգստություն հայտնեց ցիանի վերաբերյալ, Ընկերության ներկայացուցիչը արձագանքեց – ցիանը վտանգավորություն ունի, եթե իրեն ճիշտ չես օգտագործում, սահմանված պահանջները չես պահպանում,

Բնակիչներից երկու հոգի բացասական կարծիք արտահայտեցին կառուցվող գործարանի վերաբերյալ՝ նշելով, որ այն կնպաստի մթնոլորտային օդի և ջրի ախտոտմանը: Ընկերության ներկայացուցիչը պատասխանեց, որ նշված գործունեության իրականացումը նման ռիսկեր չի պարունակում, որովհետև ոսկու կորզումը իրականացվելու է փակ ցիկլով և արդյունքում ստացվելու է չոր և չեզոքացված ավազանման արդյունք:

Այնուհետև նույն բնակիչը ուղղեց հաջորդ հարցը, – կարող եք համանման գործարանի օրինակ նշել,

Ընկերության ներկայացուցիչ Հ.Նիկողոսյանը ներկայացրեց մի քանի համանման գործարանի տվյալներ և մանրամասներ ներկայացրեց նախատեսվող գործարանի տեխնոլոգիայի մասով, մասնավորապես հայտնեց, որ աշխատելու են շրջանառու համակարգով, ցիանի արտահոսքեր չեն լինելու, ջրային պոչամբար չի լինելու, այլ լինելու է չոր պոչանքներ՝ պրոցեսի ավարտին քամվելու է և չոր ավազանման զանգվածը պահեստավորվելու է, և դրա արդյունքում հայտնեց, որ վտանգ չկա:

Բնակիչներից մեկը հայտնեց, որ Կապանում կար ջրային պոչամբար և յուրաքանչյուր բնակչին տվել էր 60.000-80.000 ՀՀ դրամ, և հարց ուղեց ընկերության ներկայացուցչին – որ չոր է գումար չեք տալու:

Ընկերության ներկայացուցիչը պատասխանեց – ընկերությունը սոցիալական ծրագրեր է իրականացնում:

Նույն բնակիչը ուղղեց երկրորդ հարցը – բնակիչներին թույլատրելու են, որ ստուգենք տեսնենք ցիանը 0,2 տոկոս է, թե 10 տոկոս է:

Ընկերության ներկայացուցիչը պատասխանեց – սա առաջին լսումն է, սրան հաջորդելու է փաթեթների ներկայացումը շրջակա միջավայրի նախարարություն, որտեղ ներկայացվելու է նախագիծ իր բացվածքներով, բանաձևերով կառուցվածքով, որը ուսումնասիրելու են ՀՀ-ում առկա բոլոր գերատեսչությունները և դրանից հետո նոր տրվելու է դրական կամ բացասական եզրակացություն:

Բնակիչներից մեկը հայտնեց, որ պետությունը թույլտ չի տալիս, որ իրենք հետագայում գան տեսնեն պայմանները,

Ընկերության ներկայացուցիչը պատասխանեց – ընկերությունը թույլ կտա, որ բնակիչները ցանկության դեպքում պարբերաբար այցելեն և ստուգեն պայմանները:

Բնակիչներից մեկը հանդես եկավ առաջարկությամբ, որ հողի հատկացումը կատարվի բոլոր փաստաթղթերի ուսումնասիրությունը պատկան մարմինների կողմից, տվյալ փաստաթղթերը տրամադրվի համայնքին, և եթե ամեն բան նորմալ լինի, նոր միայն հողի հատկացումը կատարվի:

Ընկերության ներկայացուցիչը պատասխանեց – միանշանակ ընդունվում է առաջարկը, ավելին, հենց օրենքով սահմանված կարգն է այդպիսին, և եթե առաջին լսումը հաջողությամբ է ավարտվում, ապա դրանից հետո նախարարություն է ներկայացվում փաթեթը, որը ուսումնասիրվում է բոլոր գերատեսչությունների կողմից և դրանից հետո նոր միայն երկրորդ լսումն է իրականացվում, և դրանից հետո նոր միայն որոշում է կայացվում:

Բնակիչներից մեկը հայտնեց, որ Վայոց ձորը ռադիակտիվությամբ ամենաբարձրն է հայաստանում: Ընկերության ներկայացուցիչը առարկեց, հայտնեց, որ դա իրականությանը չի

համապատասխանում, և հայտնեց, որ համոզվելու համար կարող են սարքով ստուգել և համոզվել: Տվյալ բնակչի դիրքորոշմանը հակադարձեց նաև այլ բնակիչ, ով հայտնեց, որ երկար տարիներ աշխատել է հանքերում, և հայտնեց, որ ռադիոակտիվությամբ Վայոց ձորը չի առանձնանում մյուս մարզերից:

Բնակիչներից մի քանիսը հայտնեցին, որ մտավախություն ունեն և իրենք էլ չեն հասկանում տվյալ ոլորտից:

Ընկերության տնօրենը հայտնեց, որ մտավաղություն ունենալ պետք չէ, իրենք չեն իրականացնելու այնպիսի գործունեություն, որը կարող է վտանգի տանել իրենց: Առաջարկեց և հայտնեց, որ ցանկության դեպքում բնակիչները մասնագետ գտնեն, որի ֆինանսավորումը կիրականացնի ընկերությունը, և տվյալ մասնագետին ներգրավեն այս գործընթացին:



Այնուհետև ճառով հանդես եկավ մի անձ, ով հայտնեց, որ Եղեգնաձորի բնակիչ է, և իր ճառով բացասական կարծիք հայտնեց նախատեսվող գործունեությանը, տվյալ անձին հակադարձեցին տվյալ գործունեությանը կողմ հանդիսացող Վայք համայնքի բնակիչները, և նրանից պահանջեցին, որ նա չխոսի և բացասական կարծիք չհայտնի, և գնա իր համայնքում խոսի: Տվյալ անձի և Վայք համայնքի բնակիչների միջև առաջացավ կարճատև վեճ:

Հանրային լսման ընթացքում տեղի ունեցավ բաց քննարկում, տեղեկությունների փոխանակում կատարվեց մասնակիցների միջև:

Վարող՝  Վայք համայնքի ղեկավար Մ.Մաթևոսյան

Նախաձեռնող՝  «Զիլմէն Գուլբ. Մայնինգ» ՍՊ Ընկերության տնօրեն Կ.Միքայելյան

ՄԱՍՆԱԿԻՑՆԵՐ

Անուն, ազգանուն	ստորագրություն	Հեռ.
Զեօնիկ Մանուկ		
Առաքելյան Մանուկ		
Շարիպյան Հարություն		
Քոչարյան Վահագն		
Կարսյան Նորսիս		
Վարդան Վարդան		
Դանիել Վեդանյան		
Նշուր Դանյան		
Զարեհ Վեդանյան		
Ասրի Ջաղջա		
Ռարիս Վեդանյան		
Ջեօրջե Կարսյան		
Կարսյան Նորսիս		
Վեդան Մանուկ		
Հարություն Վարդանյան		
Հարություն Վարդանյան		
Վարդանյան Նորսիս		
Հարսյան Վարդան		
Հարսյան Վարդան		
Վարդան Վարդանյան		
Ասրի Վարդանյան		
Հարսյան Վարդանյան		
Դ. Զեօնիկյան		05/60 51/92
Հարսյան Վարդանյան		
Վեդան Վարդանյան		
Վեդան Վարդանյան		
«Դար Վարդանյան» Վճ		

ՄԱՍՆԱԿԻՑՆԵՐ

[illegible]